

1★ صدرِ جمہو ریہ دروپدی مُرمو اج شام ویلے فیجی، نیوزی لینڈ تے ٹیمور سٹے غو تاریخی دورو شروع کریں گی۔

2★ جموں کشمیر غا عام انتظامیہ محکمہ نے سیکریٹریاں نانہہ کہیو جے ویں افسراں غی تبدیلیاں با رہے بھارتی کمیشن غی ہدایت ور عمل کریں۔

3★ مرکزی وزیر جتندر سنگھ نے کہیو جے جے گرائیں دفاعی راکھاں نانہہ جدید ہتھیاراں نال لیس کیو گیو ہے۔

4★ چیف سیکریٹری نے متعلقہ افسراں ور زور پایو جے جے ”برگھر نل سے جل“ ”برکھیت مانہہ پانی“ یقینی بنایو جائے۔

\*\*\*\*\*

خبراں غی تفصیل نال پہلاں عبدالمجید۔

\*\*\*\*\*

### President Visit

صدرِ جمہو ریہ دروپدی مُرمو 3 مُلکاں فیجی، نیوزی لینڈ تے ٹیمورسٹے غا دور ور جائیں گی۔ وے اج شام نوی دہلی تیں فیجی واسطے روانہ ہو ویں گی۔ آکاشوانی نامہ نگا رنے دسیو ہے جے صدر دورہ غے دوران مُلکاں مانہہ کم کاج غا سلسلہ مانہہ رہ رپیا بھارتی لوکاں نال ملاقات غے علا وہ دو طرفہ میٹنگ وی کریں گی۔ اُمید ہے جے صدر مُرمو غو 3 مُلکاں غو دورو بھارت غی ”ایکٹ ایسٹ پالیسی“ نانہہ تقویت دے گو تے جنوب مشرقی ایشیا تے بحرالکاہل ور بھارت غی خصوصی توجہ نانہہ مستحکم کرے گو۔

\*\*\*\*\*

### Governor Conference

گورنراں غی دو روزہ کا نفرنس راشٹریتی بھون مانہہ گذشتہ روز اختتام پذیر ہوگئی۔ مفصل تبادلہ خیالات ور گورنراں غی اجتماع غی کو ششاں غی صدرِ جمہو ریہ دروپدی مُرمو نے تعریف کی ہے۔ اختتامی تقریر مانہہ صدر نے گو رنراں غا بکھ بکھ گروپاں غی طرفوں دتی گئی بیش قیمتی رائے تے خیالات غی سراہنا کی جن نال لوکاں غی بھلائی بہتری غے نال نال اُن غا دفتراں غا کم کاج مانہہ بہتری آنی جائے گی۔ اختتامی نشست مانہہ خطاب کرتاں واں نائب صدر جگدیپ دھنکڑ نے کہیو جے گورنراں نانہہ موثر کم کاج واسطے متعلقہ ریاستاں غی سرکاراں نال پا ئیدار رابطو قائم رکھن تے اطلاعات حاصل کرن تیں چکنونہیں چاہیے۔ اس تقریب مانہہ خطاب کرتاں واں وزیر اعظم نے کہیو جے گورنراں نانہہ کم کاج مانہہ ٹیکنالوجی غو استعمال کرتاں واں کمپیوٹر کا ری نانہہ بابدو دینو چاہیے۔ گو رنراں گا گروپ غی طرفوں پیش کی گئی تمام رپورٹاں غا مطالعہ تیں بعد مرکزی وزیر داخلہ امت شاہ نے گو رنراں غی کو ششاں غی تعریف کی تے کہیو جے راج بھوناں تے گو رنراں غا کم کاج نانہہ مزید موثر بنان واسطے غو رکیو جائے گو۔

\*\*\*\*\*

## Election Transfers

بشمول جموں کشمیر یوٹی جن ریاستاں مانہہ اسمبلی چناؤ کرایا جائیں گا اُن ریاستاں مانہہ چناوی سلسلہ غی اخلاقی بلندی نانہہ یقینی بنان واسطے بھارتی چناؤ کمیشن نے افسراں غا تبادلہ کرن غی ہدایت جا ری کیں ہیں۔ بھارتی چناؤ کمیشن غی ان ہدایات ور عمل کرتاں واں جموں کشمیر سرکا ر غا عام انتظامیہ محکمہ نے تمام انتظامیہ سیکریٹریاں نانہہ ہدایت جاری کیں ہیں جے وے اُن عہدیداراں غو تبادلو کر دئے جھپڑا اپنا اپنا ضلعاں مانہہ تعینات ہیں۔ ایسو صاف تے شفاف طریقہ نال چناؤ کران نانہہ یقینی بنان خاطر کیو جارہیو ہے۔ جھپڑا افسراں کسے ضلع مانہہ 3 بہراں تیں زیا دہ چر تیں خدمات انجام دے رییا ہیں یاہ پھر وے جس ضلع غا رہا ئشی ہیں اُسے ضلع مانہہ خدمات دے رییا ہیں غو تبادلو دوجی جگہاں ور کیو جا ئے۔

\*\*\*\*\*

## VDG

مرکزی وزیر مملکت ڈاکٹر جتندر سنگھ نے کہیو ہے جے گراں غا محافظاں ولیج ڈیفنس گارڈز نانہہ جدید ہتھیاراں سنگ لیس کیو جا رہیو ہے تا نجے خطہ جموں مانہہ بدھتا دہشت گردانہ حملان غو مقابلو کیو جاسکے۔ صوبہ جموں غا کٹھوعہ غا مقام ور گذشتہ روز وکست بھارت واسطے نوجواناں نانہہ باختیار بنان غا عنوان نال منعقدہ تقریب مانہہ بولتاں واں ڈاکٹر جتندر سنگھ نے کہیو ہے سرکا رنے بدھتا دہشت گرد حملان نال نمڑن واسطے بہت سارا اقدام کیا ہیں۔ جن مانہہ وی ڈی جیز نانہہ جدید ہتھیار جن مانہہ ایس ایل آر رائفل شامل ہیں۔ فراہم کرن ور غور کیو جا رہیو ہے تانجے وی ڈی جی موثر طریقہ نال جموں خطہ مانہہ دہشت گرداں نال نمڑسکیں۔

\*\*\*\*\*

## Cloud Brust

جموں کشمیر غا گا ندر بل ضلع مانہہ بدل پھٹن غا نتیجہ مانہہ سرینگر لہیہ قومی شاہراہ نانہہ نقصان پُجیو ہے۔ تے اس غی وجہ نال قومی شاہراہ نانہہ گڈیاں غی آؤ جا ئی واسطے بند کر دتو گیو ہے۔ پولیس ذریعاں نے دسیو ہے جے عمارتاں، جن مانہہ رہا ئشی مکان وی شامل ہیں، نانہہ بدل پھٹن تیں بعد غا سیلاب غی وجہ تیں نقصان پُجیو ہے۔ اس حادثہ تیں متاثر ہوا افراد غی مدد واسطے حکام جا ئے واردات ور پُج گیا ہیں۔ ذریعاں نے یوہ وی دسیو ہے جے بدل پھٹن تیں بعد لداخ یوٹی غو وادی کشمیر نال سڑک رابطو منقطع ہو گیو ہے۔ تے امرناتھ یا ترا واسطے بالتال بیس کیمپ تک رسائی نہیں رہی ہے۔

\*\*\*\*\*

## Jammu ITEM Traffic

جموں گا گڈیاں غی آؤ جا ئی غو مربوط بندوبستی نظام انٹی گریٹیڈ ٹریفک منیجمنٹ سسٹم ہُن مکمل طور ر ور کم کر رہیو ہے۔ تے اس نال ٹریفک نظام تے حفاظت غا سلسلہ مانہہ اک اہم سدھا ر آئیو جا رہیو ہے۔ اس نظام غے تحت 44 چوراہاں ور گڈیاں غی آؤ جا ئی نانہہ بہتر بنان تے نگرانی نانہہ یقینی بنان خاطر 672 کیمرہاں غو استعمال کیو جا رہیو ہے تے اک مرکزی کمانڈ مرکز تیں معائنو کیو جا ئے۔ اس آئی ٹی ایم ایس نظام غا اک سینئر عہدیدار نے دسیو ہے جے ٹریفک قوانین غی خلاف ورزیاں ور روک لانو تے حفاظت نانہہ بدھانو اس نظام غو مقصد ہے۔ اس نظام نال جموں مانہہ ٹریفک غا بندو بست مانہہ انقلاب آوے گو کیونکہ اس نال سڑک مزید محفوظ ہو جا ئیں گی ۔ اس نظام غی کڑی نگرانی غی صلاحیت حکام نانہہ ہنگامی صورتحال مانہہ ضروری رد عمل کرن مانہہ مدد دے گی۔ اس با رے گل کرتاں واں ایس ایس پی ٹریفک شہر جموں فیصل قریشی نے اس طرح کہیو۔۔۔ با ٹ۔۔

\*\*\*\*\*

## SSP Kishtwar

ایس ایس پی کشتواڑ عبدالقیوم نے ڈی ایس پی پی سی کشتواڑ غے ہمراہ خطہ مانہہ سلامتی صورتحال تے امن و امان قائم رکھن خاطر کیا جامع انتظامات غو جائزو لین واسطے اج دچھن غو دورو کیو۔ اس دورہ غے دوران اُنہاں نے پولیس چوکی ڈنگڈورو تے پولیس تھانہ دچھن غو معائنو کیو۔ عوام رسائی قدم غے تحت ایس ایس پی کشتواڑ غی سربراہی مانہہ ”ایک پیڑ شہیدوں کے نام“ عنوان غے تحت بوٹا لان غی مہم چلائی گئی تے پولیس تھانہ دچھن غی نویں بنی عمارت غو وی ایس ایس پی نے معائنو کیو۔ اس دورہ غو مقصد عوام تے پولیس بشکا ر رابطہ نانہہ مضبوط کرنوتھو۔

\*\*\*\*\*

یہ خبر تم آکاشوانی جموں تیں سُن رہیا ہیں خبراں غابا قی حصہ نال محمد امین انجم۔

## CS HNSJ

چیف سیکریٹری اتل ڈلو نے کل ”جل جیون مشن“ جے جے ایم غو مقرری جائزو لیو۔ اس موقعہ ور سیکریٹری موصوف نے متعلقہ افسراں ور زور پایو جے ویں نالو نال ”ہر گھر نل سے جل“ واسطے گراں غا لوکاں غی تصدیق واسطے اقدام چاویں۔ چیف سیکریٹری نے آبپاشی تے سیلاب کنٹرول محکمہ غی طرفوں عملاتی گئی اسکیمان غو وی جائزو لیو۔ اُنہاں نے ”ہر کھیت میں پانی“ حاصل کرن ور زور پایو۔

\*\*\*\*\*

## Workshop Deworming Day

دس اگست 2024 نانہ منعقد ہون آلا کیڑاں غا خاتمہ با رے قومی تہاڑا غا سلسلہ مانہ ڈپٹی کمشنر سانہ ابھشیک شرما غی قیا دت مانہ اک روزہ ورکشاپ غو انعقاد ہوؤ۔ میٹنگ غو مرکز کیڑاں غا خاتمہ غی اہمیت اور عمل آوری غا سلسلہ مانہ متعلقین نانہ حساس بنانو نالے تربیت دینو تھو۔ اس موقع ور ضلع سانہ غے اندر کیڑاں غا خاتمہ بارے قومی پروگرام غا سلسلہ مانہ تبادلہ خیال موثر منصوبہ بندی اور عمل آوری بارے حکمت عملی ور تبادلہ خیال کیو گیو۔

\*\*\*\*\*

## Swatchta Udhampur

سوچھتا پکھواڑہ صاف صفائی با رے مہم غا سلسلہ غا اک حصہ غے طو ر ضلع اُدھم پو ر نانہ واحد استعمال ہون آلا پلاسٹیک تیں آزاد بنان غا مقصد نال ضلع انتظامیہ نے ٹون بال تے گول ما رکیٹ غے آسے پاسے مومی لفافاں مخالف اک مہم چلائی گئی۔ اس سلسلہ مانہ اے ڈی سی جو گیندر جسروٹیہ غی قیا دت مانہ افسراں غی اک ٹیم نے مہم چلائی۔ اس موقعہ و ر افسراں نے لوکاں نانہ اپیل کی جے ویں واحد استعمال ہون آلا پلاسٹیک تیں پرہیز کریں۔ اس مہم غے دوران کئیں دکانداراں غا چلان وی کیا گیا۔ تے اس طرح 5 ہزار 7 سو غا چلان نال 25 کلو مومی لفافہ ضبط کیا گیا۔ اس ضمن مانہ بو ر گل کرتاں واں اے ڈی سی اُدھم پو ر نے اس طرح کہیو۔۔۔

\*\*\*\*\*

## Kishtwar Swatcha

ڈپٹی کمشنر کشتواڑ ڈاکٹر دیوانش یا دو نے تا ریخی چوگان میدان مانہ اک وسیع سوچھتا مہم شروع کی۔ سوچھتا سنگرام شروعات گا سلسلہ مانہ چل رہیا سوچھتا پکھواڑہ غے تحت مذکو رہ مہم شروع کی گئی ہے۔ یوہ پروگرام ضلع مانہ مہم غا لگاتار تیجا تہاڑا غی علامت ہے۔ جس غو مقصد صاف صفائی غی ثقافت نانہ ترقی دینو ہے۔ اس مہم غی خاطر قصبہ کشتواڑ گا مرکزی چوگان میدان نانہ چنیو گیو۔ اس شروعات غو مقصد نا صرف صاف صفائی برقرار رکھنو ہے بلکہ لوکاں مانہ ایسا تا ریخی ماحولیاتی آٹاٹاں نانہ محفوظ رکھن غی اہمیت با رے وی بیداری عام کرنوتھو۔

\*\*\*\*\*

## Saffron

کشتواڑ غا ذراعت با رے چیف ایگرکلچر افسر نے کل زعفران غا بوٹا لان با رے مواد حاصل کرن غی خاطر مل غو تعین کرن واسطے اک میٹنگ منعقد کی۔ اس میٹنگ غو اہم مقصد فیلڈ عملہ اور ترقی پسند زعفران کاشتکاراں نال بیس غے مناسب تے فائدہ مند نرکھ طے کرنوتھو۔ اس قدم غو مقصد خطہ مانہ زعفران غی پیداوار نانہ باہدو دینو ہے۔

\*\*\*\*\*

## **Science Exhibition**

سائینسی تلاشی تے تخلیقی صلاحیت با رے اک تقریب مانہ ڈپٹی کمشنر پونچھ نچھ یسین محمد چودھری نے کل ضلع تعلیمی تے تربیتی ادارہ ڈائٹ پونچھ مانہ سائینس نمائش غو انعقاد کیو۔ یاہ نمائش راشٹریہ بال وگیانک پر درستی غے تحت منعقد کی گئی۔ اس موقعہ ور ڈی سی پونچھ نے طالب علما تے اساتذہ غی تعریف کی نالے ڈائٹ گا پرنسپل غی حوصلہ افزائی کی جے اس طرح غی ہو ر نمائش لائی جائیں تانجے طالب علما مانہ ایجادی اور عملی خیالات نانہ ترقی دتی جا سکے۔

\*\*\*\*\*

## **Phone Live Interaction**

ڈپٹی کمشنر راجوری اوم پرکاش بھگت غی طرفوں مشکلات غا حل با رے براہ راست فون پروگرام غی 11 ویں قسط منعقد کی گئی۔ جس مانہ ضلع غا بکھ بکھ حصار تیں کوئی 44 تیں متی فون کال آئیں۔ اس پروگرام غو مقصد لوکاں نانہ اُن غی مشکلات غا حل غی خاطر آواز چان واسطے اک موقعہ مہیا کرانوتھو۔

\*\*\*\*\*